



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;
Telefoni-Centrala: 00387 35 870-600; 875-010; Fax: 00387 35 875-166
Rješenje Kantonalnog suda Tuzla br: U/I-0891/98. ID PDV broj: 209329530001
Identifikacijski broj: 4209329530001 Porezni broj: 03421100

www.rmub.ba



Broj: 14976 /18.
Banovići, 13. 08. 2018.godina

Na osnovu člana 69. stav (2) tačka d), člana 70. i 100. stav (3) Zakona o javnim nabavkama BiH ("Sl.Glasnik BiH" broj: 39/14), člana 82. Statuta RMU Banovići d.d. Banovići broj: 317/16 od 11.01.2016.godine i člana 223. Zakona o upravnom postupku ("Sl. Glasnik BiH", broj: 29/02, 12/04, 88/07, 93/09, 41/13 i 53/16) rješavajući po žalbi (od 3.8.2018.g) ponuđača Termika d.o.o. Zenica izjavljenu protiv Odluke o izboru najpovoljnijeg ponuđača broj 14137/18 od 25.07.2018. u postupku javne nabavke "Zaptivni elementi za hidraulične cilindre bagera TEREX RH 120E i LIEBHERR R9350 (C-R 53/18)", Ugovorni organ RMU "Banovići" d.d. Banovići na Preporuku Komisije za javne nabavke iz Zapisnika o pregledu i ocjeni ponuda broj: 226aZC/18 od 24.07. donosi

RJEŠENJE

1. Žalba ponuđača Termika d.o.o. Zenica izjavljena protiv Odluke o izboru najpovoljnijeg ponuđača broj 14137/18 od 25.07.2018. **je osnovana.**
2. Poništava se postupak javne nabavke: Zaptivni elementi za hidraulične cilindre bagera TEREX RH 120E i LIEBHERR R9350 (C-R 53/18) pokrenut Odlukom o pokretanju postupka javne nabavke 12935/18 od 04.07.2018.g
3. Ovim Rješenjem stavlja se van snage Odluka o izboru najpovoljnijeg ponuđača broj 14137/18 od 25.07.2018.g.
4. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke u skladu sa članom 100. stav (3) Zakona o javnim nabavkama BiH.
5. Za izvršenje ovog Rješenja zadužuje se i ovlašćuje Komercijalni sektor.
6. Ovo Rješenje objavit će se na web-stranici www.rmub.ba.

Obrazloženje

Ponuđač Termika d.o.o. Zenica (u daljnjem tekstu: **Žalitelj**) podnio je dana 3.8.2018.godine žalbu na Odluku o izboru najpovoljnijeg ponuđača broj 14137/18 od 25.07.2018.

Naime, postupak javne nabavke pokrenut je Odlukom o pokretanju postupka javne nabavke broj: 12935/18 od 04.07.2018.g koji je sproveden otvorenim postupkom gdje je procijenjena vrijednost javne nabavke bez PDV-a 300.000,00 KM.

Obavještenje o nabavci broj: 565-1-1-512-3-315/18, objavljeno dana 04.07.2018. godine, a sažetak obavještenja objavljen u Službenom glasniku BiH broj: 48/18 od 13.07.2018.g

Komisija za nabavku, imenovana je Rješenjem broj: 20111/17 od 28.11.2017. godine.

Temeljem Zapisnika o pregledu i ocjeni ponuda broj: 226aZC/18 od 24.07.2018. godine, u postupku javne nabavke: *Zaptivni elementi za hidraulične cilindre bagera TEREX RH 120E i LIEBHERR R9350 (C-R 53/18)*, Ugovorni organ je donio Odluku o izboru najpovoljnijeg ponuđača broj 14137/18 od 25.07.2018.. kojom je, između ostalog, **utvrđeno da je najpovoljniji ponuđač Balić d.o.o. Čapljina.**

Nezadovoljan prednjom odlukom žalitelj je podnio žalbu na način kako je gore istaknuto.

Prije nego se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke u skladu sa članom 222. stav (1) Zakona o upravnom postupku BiH ("Službeni glasnik BiH" br: 29/02, 12/04, 93/09, 41/13 i 53/16), odnosno na dopuštenost, blagovremenost i izjavljenost od ovlaštene osobe, odnosno na pretpostavke propisane odredbama članova 100. i 101. Zakona o javnim nabavkama Bosne i Hercegovine.

Ispitujući pravne pretpostavke za postupanje po predmetnoj žalbi, Ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

Pregledom dostavljene ponude ponuđača u odnosu na navode iz žalbe utvrđeno je da je žalba **osnovana** iz sljedećih razloga:

1. Vezano za žalbene navode žalitelja

1. Ponuđač Balić d.o.o. nije ispunio uslove predviđene poglavljem 8.8. Garancija za ozbiljnost ponude, točka 8.8.2. gdje je jasno naveden način dostavljanja garancije:

„Garancija se ne smije bušiti radi ulaganja uz ponudu već treba biti dostavljena na sljedeći način:
- originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača;
- plastična folija u kojoj je originalna bankarska garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude;“

Dostavljena garancija ponuđača Balić d.o.o. Čapljina nije zatvorena na vrhu naljepnicom ili jamstvenikom, nije otisnut pečat, te nije označena rednim brojem stranice ili lista kako je određeno tenderskom dokumentacijom.

Ugovorni organ iste cijeni kao **osnovane**, pa temeljem toga i uvažavajući **princip formalizma** koji karakteriše oblast javnih nabavki, a sve u cilju zaštite temeljnih principa javnih nabavki, proizilazi da ponuđač nije zadovoljio uslove i zahtjeve propisane tenderskom dokumentacijom **vezano za garanciju za ozbiljnost ponude**.

2. Vezano za žalbene navode žalitelja

2. Ponuđač Balić d.o.o. Čapljina nije ispravno popunio Aneks 3 - Obrazac za cijenu ponude ponuđača:

2a. Kolona oznaka prema SKF katalogu nije popunjena. Time nije određeno tačno koji proizvodi su ponuđeni.

2b. Ponuđač nije naveo zemlju porijekla/proizvođača za stavku redni broj 11 tabele a) Zaptivni elementi cilindra dizanja (boom cilindar) bagera Terex RH 120E.

Ugovorni organ iste cijeni kao **osnovane**, pa temeljem toga i uvažavajući **princip formalizma** koji karakteriše oblast javnih nabavki, a sve u cilju zaštite temeljnih principa javnih nabavki, proizilazi da ponuđač nije zadovoljio propisane uslove i zahtjeve tenderske dokumentacije **vezano za sadržaj i popunu Aneksa 3- Obrazac za cijenu ponude**.

3. Vezano za žalbene navode žalitelja

3. Ponuđač ne ispunjava kriterije Tehničke i profesionalne sposobnosti, definisane Tenderskom dokumentacijom.

Tačka 7.4.1. a) glasi: „Što se tiče tehničke i profesionalne sposobnosti, ponuđači trebaju ispuniti sljedeće minimalne uslove:

a) Da je ovlašten za proizvodnju SKF zaptivnih elemenata ili kvalitativno ekvivalentnih zaptivnih elemenata.

Ponuđač Balić d.o.o. Čapljina je dostavio potvrdu firme „SKF Eurotrade AB“ kojom se potvrđuje da firma Balić d.o.o. Čapljina ima prava na direktnu nabavu materijala (tuba, poluproizvoda) za proizvodnju brtvi na SKF-ovim Seal Jet mašinama, ima uvid u tehničke informacije o SKF-ovim proizvodima, te da uživa stalnu tehničku potporu SKF-ovih inženjera. Potvrda ne ukazuje da firma Balić d.o.o. Čapljina ima pravo za proizvodnju SKF zaptivnih elemenata, nego samo za direktnu nabavku materijala.

Tačkom 7.4.2. c1) tražena je Kopija atesta za materijale koji su ponuđeni i koji će se koristiti za izradu zaptivnih elemenata. Ponuđač Balić d.o.o. Čapljina nije dostavio ateste za materijale: Bronza i NBR 70, a navedeni su u Aneksu 3 – Obrazcu za cijenu ponude u koloni materijal.

Tačkom 7.4.1. d) je traženo da je ponuđač u mogućnosti obezbijediti uređaj za honovanje cilindara za koje se nabavljaju zaptivni elementi.

Ponuđač Balić d.o.o. je u spisku svoje opreme naveo da posjeduje mašinu za honovanje cilindara Gehring Tip: 1Z600 KS Tv.Br. 720/44. Ova mašina za honovanje je vertikalna i u mogućnosti je da uradi maksimalni prečnik honovanja $\Phi 160$ na dužini 600 mm. Zaptivni elementi koji su traženi tehničkom dokumentacijom su prečnika $\Phi 100$ do $\Phi 343$ mm, te ova mašina ne može da zadovolji kriterij tehničke sposobnosti tražene tenderskom dokumentacijom.

Ugovorni organ iste cijeni kao **osnovane**, pa temeljem toga i uvažavajući **princip formalizma** koji karakteriše oblast javnih nabavki, a sve u cilju zaštite temeljnih principa javnih nabavki, proizilazi da ponuđač nije zadovoljio propisane uslove i zahtjeve tenderske dokumentacije **vezano za tehničku i profesionalnu sposobnost**.

4. Vezano za žalbene navode žalitelja

4. Aneks 2 nije ispravno popunjen. Ponuđač nije naveo ispravan broj obavještenja na Portalu javnih nabavki. Naime naveden je broj 17, a tačan broj obavještenja je 565-1-1-512-3-315/18. Ista neispravnost je uočena u Aneksu 5, Aneksu 6 i Aneksu 8.

Ugovorni organ iste cijeni kao **osnovane**, pa temeljem toga i uvažavajući **princip formalizma** koji karakteriše oblast javnih nabavki, a sve u cilju zaštite temeljnih principa javnih nabavki, proizilazi da ponuđač nije zadovoljio propisane uslove i zahtjeve tenderske dokumentacije **vezano za sadržaj i popunu navedenih aneksa**.

Dakle, Komisija za javne nabavke je ponovnim uvidom u ponudu ponuđača, te analizom ponuda u odnosu na navode iz žalbe i propisani postupak, sačinila Zapisnik o ocjeni ponuda kojim je utvrdila da je ponuda ponuđača **Balić d.o.o. Čapljina** iz naprijed navedenih razloga neprihvatljiva u smislu odredbe člana 69. stav (2)

tačka d) Zakona o javnim nabavkama BiH čime se okončava postupak javne nabavke iz razloga što nijedna od primljenih ponuda nije prihvatljiva.

Imajući u vidu sve naprijed navedeno, Ugovorni organ je na preporuku Komisije za javne nabavke žalbu žalitelja ocijenio **kao osnovanu**, ali kako su dvije pristigle ponude neprihvatljive za Ugovorni organ u smislu odredbi člana 69. stav (2) tačka d) Zakona o javnim nabavkama BiH, to je Ugovorni organ na osnovu člana 100. stav (3) Zakona o javnim nabavkama BiH donio Rješenje kao u dispozitivu.

Pouka o pravnom lijeku:

Protiv ovog Rješenja može se izjaviti žalba URŽ-u, putem Ugovornog organa, u roku od 5 (pet) dana od dana prijema Rješenja.

DOSTAVLJENO:

1x Termika d.o.o. Zenica,
1x, Balić d.o.o Čapljina
1x a/a.



DIREKTOR

Dr. sc. Munever Čerčić, dipl.ing. rud.

Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH
555 0530 049 467130 Nova banka AD Banja Luka, ekspozit. Tuzla

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar

RMU.423-08